

Սուբսիդիա տրամադրելու մասին

ք. Երևան

«15» հունվարի 2015թ.

«Հայաստանի Հանրապետության կառավարության աշխատակազմ» պետական կառավարչական հիմնարկը (այսուհետ՝ «Աշխատակազմ») ի դեմս Հայաստանի Հանրապետության կառավարության աշխատակազմի ղեկավար-նախարար Դավիթ Հարությունյանի, որը գործում է աշխատակազմի կանոնադրության հիման վրա և «Սպասարկում» ՊՈԱԿ-ը ի դեմս տնօրենի պաշտոնակատար Հմայակ Սկրտչյանի, որը գործում է «Սպասարկում» ՊՈԱԿ-ի կանոնադրության հիման վրա և հիմք ընդունելով ՀՀ կառավարության 2003թ. դեկտեմբերի 24-ի թիվ 1937-Ն որոշումով հաստատված կարգը, «Հայաստանի Հանրապետության 2015 թվականի պետական բյուջեի մասին» Հայաստանի Հանրապետության օրենքով նախատեսված բյուջետային ծախսերի գործառնական դասակարգման 01 բաժնի 03 խմբի 03 դասի 04 Պետական աջակցություն «Սպասարկում» ՊՈԱԿ-ին ծրագրով, կնքեցին սույն պայմանագիրը հետևյալի մասին.

1. Պայմանագրի առարկան

1.1 Սույն պայմանագրով սահմանվում է «Հայաստանի Հանրապետության 2015 թվականի պետական բյուջեի մասին» Հայաստանի Հանրապետության օրենքով նախատեսված բյուջետային ծախսերի գործառնական դասակարգման 01 բաժնի 03 խմբի 03 դասի 04 Պետական աջակցություն «Սպասարկում» ՊՈԱԿ-ին ծրագրով, որի շրջանակներում «Սպասարկում» ՊՈԱԿ-ը 2015թվականի հունվարի 1-ից մինչև դեկտեմբերի 31-ը իրականացնում է ՀՀ կառավարության աշխատակազմին ամրացված շենքերի և այլ գույքի սպասարկում:

2. Կողմերի պարտականություններ և իրավունքներ**2.1. «Սպասարկում»-ՊՈԱԿ-ը պարտավոր է.**

2.1.1. Իրականացնել ՀՀ կառավարության աշխատակազմին ամրացված շենքերի ընթացիկ պահպանման և շահագործման աշխատանքները:

2.1.2. Ապահովել վերը նշված շենքերում տեղակայված պետական կառավարման մարմինների աշխատակազմերի շենքային պայմանների հետ կապված ընթացիկ աշխատանքները

ա) կատարել կապի միջոցների, ջեռուցման, ջրամատակարարման, էլեկտրամատակարարման, կոյուղու, կաթսայատների, էլեկտրատեխնիկական սարքավորումների և ապարատների, վերելակային տնտեսությունների ինժեներատեխնիկական սպասարկում

բ) իրականացնել կազմակերպություններին կից ճաշարանների ծառայություններ և պատրաստի սննդի մատակարարման աշխատանքներ

գ) մատուցվող ծառայությունների մեկ միավորի գինը 72146.6մ² ընդհանուր մակերեսով շենքերի սպասարկման 1 մ²-ու համար կազմում է ամսական 435.69 դրամ, ընդամենը ամսական 31433.75 հազ. դրամ:

2.1.3. Սույն պայմանագրի 4.1 ենթակետում նշված ժամկետում «Աշխատակազմ» ներկայացնել կատարված բյուջետային ծախսերի վերաբերյալ եռամսյակային հաշվետվություններ:

2.2. «Սպասարկում» ՊՈԱԿ-ը իրավունք ունի

2.2.1. Սույն պայմանագրի 3-րդ կետում նշված ժամկետում և կարգով «Աշխատակազմ»-ից ստանալու ՀՀ պետ.բյուջեից հատկացվող գումարը:

2.3. «Աշխատակազմ» - ը պարտավոր է

2.3.1. Պայմանագրի շրջանակներում մատուցվող ծառայությունների կատարման ընթացքում անհրաժեշտ աջակցություն և օժանդակություն ցուցաբերել «Սպասարկում» ՊՈԱԿ-ին:

2.4. «Աշխատակազմ» - ը իրավունք ունի

2.4.1. Պահանջել «Սպասարկում» ՊՈԱԿ-ից ներկայացնել եռամսյակային հաշվետվություններ սույն պայմանագրի 4.1 կետում նշված ժամկետում:

2.4.2. ցանկացած ժամանակ լուծել կամ փոփոխել Պայմանագիրը այդ մասին 15 օր առաջ գրավոր ծանուցելով «Սպասարկում» ՊՈԱԿ-ին եթե պարզվի, որ վերջինս չի կատարում սույն պայմանագրի որևէ պայման:

3. Վճարումների կարգը

3.1 2015 թվականի ՀՀ պետական բյուջեով հատկացվող պետական աջակցության առավելագույն չափը կազմում է 377205.1 հազար դրամ (երեք հարյուր յոթանասուն յոթ միլիոն երկու հարյուր հինգ հազար հարյուր) ՀՀ դրամ:

3.2 «Աշխատակազմը» 3.1 կետում նշված գումարը Հայաստանի Հանրապետության 2015 թվականի պետական բյուջեի մասին օրենքի համաձայն փոխանցում է «Սպասարկում» ՊՈԱԿ-ի հաշվին համաձայնորեն՝ անսակայն կտրվածքով, ոչ ուշ, քան տվյալ ամսվա 10-ը բացառությամբ հունվար ամսվա համար, որը կփոխանցվի մինչև 2014թվականի հունվարի 25-ը::

4. Հաշվետվություն ներկայացնելու կարգը և ժամկետները

4.1 «Սպասարկում» ՊՈԱԿ-ը յուրաքանչյուր եռամսյակ «Աշխատակազմին» է ներկայացնում հաշվետվություն ՀՀ ֆինանսների և էկոնոմիկայի նախարարի 2008թվականի փետրվարի 4-ի N80-Ս հրամանով հաստատված Հ-2 և Հ-4 օրինակելի ձևերին, և «Հաշվետվության ծրագրերի իրականացման աստիճանը բնորոշող ֆինանսական և ոչ ֆինանսական ցուցանիշների կատարման մասին» (ՀՀ ֆինանսների և էկոնոմիկայի նախարարի 28.03.2007թ. N324-Ս հրամանի ԱՀ-1 օրինակելի ձևին) համապատասխան, ոչ ուշ քան եռամսյակին հաջորդող ամսվա 12-ը:

4.2 «Սպասարկում» ՊՈԱԿ-ը աշխատակազմին յուրաքանչյուր տարվա համար տարվա ավարտից հետո մինչև հաջորդ տարվա փետրվարի 1-ը ներկայացնում է հաշվետվություն:

5. Կողմերի պատասխանատվությունը

5.1 Սույն պայմանագրով սահմանված պայմանների չկատարման դեպքում կողմերը պատասխանատվություն են կրում ՀՀ օրենսդրությամբ սահմանված կարգով:

6. Այլ պայմաններ

6.1 Սույն պայմանագիրն ուժի մեջ է մտնում ստորագրման պահից և դադարում է պատշաճ կատարմամբ:

6.2 Ցանկացած փոփոխություն և լրացում վավեր է այն պայմանով, եթե դրանք կատարված են գրավոր և ստորագրված են կողմերի կողմից:

6.3 Սույն պայմանագիրը կազմված է հավասարազոր իրավաբանական ուժ ունեցող երկու օրինակից: Յուրաքանչյուր կողմի մոտ գտնվում է պայմանագրի մեկական օրինակ:

«Աշխատակազմ»

«Սպասարկում»

«ՀՀ կառավարության աշխատակազմ»
պետական կառավարչական հիմնարկ
ք. Երևան, Հանրապետության
Հրապարակ, Կառավարական շենք 1
ՀՀ ՖԵ գործադրական վարչություն
Հ/Հ 9000 11022135
ՀՀ կառավարության աշխատակազմի
ղեկավար – նախարար Դ. Հարությունյան

Պետական ոչ առևտրային
կազմակերպություն
ք. Երևան, Հանրապետության
Հրապարակ, Կառավարական շենք 1, 4-
րդ մասնաշենք
«Հայէկոնոմբանկ» 16300 – 8170181
ՀՎՀՀ 02568463
Տնօրեն Հ. Սկրտչյան



Handwritten signatures in blue ink, including the signature of the Director of the Administrative Service and the Chairman of the Board of the Public Enterprise.